

盛世危言

一
函
十
冊

盛世危言卷二目錄

游歷

附錄李提摩太親王宜游歷各國說

公法

通使

交涉

附錄申報中西涉損益論

書吏

廉俸

教養

附錄李提摩太轉移積患養民說畧

訓俗

附錄新聞報論粵省有三大害

盛世危言
卷一
○西李提摩太天下四大宗論

盛世危言卷二

游歷

香山鄭觀應陶齋輯著

今之談富強者動曰軍人宜備也錢路宜開也製造與工藝宜興礦產與商務宜振也庸詎知居今之時處今之勢所以為致富之本自強之基者莫如上下一心方今朝廷瓶辨一事聚恥盈庭非無深達時務之臣而每建一言輒多格於群議誠如總署所謂同心少異議多者洋務之興垂六十年矣求其知彼知己不隨不激能為國家立一可大可久之策者有幾人哉夫民心不一則國勢日衰而交涉之難調由於意嚮之不定意嚮之不定由於主議之無人欲求主議得人非王公大人游歷外洋不可夫游歷之法昉於中國古時輜軒使者徧歷四方問俗採風詳察民間疾苦此實游歷之權輿孔子一車兩馬歷聘諸侯遂成素王之業戰國時儀秦之輩朝秦暮楚掉三寸不爛之舌聲動侯王當其周游各國而山川之險易政事之純疵兵力之孰強孰弱人情之何愛何忌無不揣摩簡練熟爛胸中因得以審其機而投其間

雖縱橫捭闔聖哲羞稱而其顛倒是非運天下於掌上者非假游歷亦何由自成其才也降至今日泰西各國尤重游歷尊如世子王孫貴如世爵將相莫不以游歷各國為要圖雖道路崎嶇風波險惡經年累歲皆所不辭經過之處觀其朝章得失詢其俗尚美惡察其物產多寡究其貿易盛衰訪其製作精粗探其武備強弱而於地利一事尤所究心山川之險夷出入之難易路徑之遠近江河海口之淺深無不繪成地圖載入日記刊諸日報紙貴一時無事則彼此傳聞以資談助一旦有事則舉國之人胸有成竹不難駕輕就熟乘勝長驅道里關山畫沙聚米人第見其今日奪若干城明日闢若干地以為用兵之神速而不知兵皆素習謀皆預定無一不從游歷得來非一朝一夕之故也攷二百年前俄亦積弱之國自其先君見歐洲各國互長爭雄恐內治不修外患將日亟乃效趙武靈微服過秦之術徧游諸國訪問利弊延攬人才歸國後變通法治振作工商不二十年虎視一方吞併弱小諸國土地日大兵備日強卓然為歐西首國游歷之效如此比年我中國亦知其益故有派員游歷之舉但聞每員薪水月僅二百金以外洋用度之繁應酬之鉅安得敷用亦祇深

居簡出緒譯幾種書籍以期盡職而已未能日向各處探訪時與土人諮詢也且承命而往者皆微員未秩回國以後即使確有所見亦安能大展其才中國體制所關經費有限縱不能如西例盡人皆可出游莫如選擇王公大臣子弟通古今識大體年少而未當國者派往各國考求利弊探訪情形豐其資裝寬其歲月與我國使臣相助為理夫今日之少年皆他年老成謀國之良佐也一旦躬膺重任建議興事皆有真知灼見自決從違不致畏葸無能亦不致拘牽僨事矣抑更有說者自設海軍以來所備大小兵輪不下數十餘艘平日除會操載送官員外一無事事何如派往各國游歷藉以保華民張國勢周知外洋海港之曲折島嶼之縈迴沙線之淺深潮汎之長落地勢之要害咽喉防務之佈置疏密並定以游歷限期或半年而瓜代或一年而瓜代既可國後由當道面詢外洋情形並觀其日記實有心得即照軍營立功例奏獎果如此講求研練十年以後中國内外文武人才皆當輩出決不致有乏才之患亦何庸楚材晉用雇募洋師歲擲百萬金錢且為遠人所竊笑也哉

古昔聖王十有二年一巡狩巡狩者巡察諸侯之所守也諸侯五年一朝曰述職述職者述其所守之職也由是觀之古之天子諸侯皆非終其身深居簡出也殷商之制諸君皆時處田間與民為伍欲以知稼穡之艱難故周書無逸之篇曰其高宗時舊勞於外爰暨小人作其即位其在祖甲舊為小人作其即位乃知小民之依商書說命之篇曰予小子舊學于甘盤既乃遜于荒野入宅于河自河徂亳是知古昔天子皆躬歷於外以豫知民之艱難情偽而後繼大統乃洞然於閭閻稼穡之依官吏良莠之故所以國無弊政民無弊俗朝野上下熙熙皞皞裕如也三代而後惟漢宣帝幼遭戾太子之難育於民間年十九始入宮承大統故民間之情偽胥吏之良莠無不盡知勵精圖治號為中興外此則開創之主事事皆洞照無遺而承平之世青宮鮮出宮闈惟恃擇傳讀書以明古今治理而民間之稼穡艱難臺吏之貪污狼籍少所聞知惟天生睿知之聖乃不出戶庭而明燭萬里人不敢欺史鑑所載漢唐宋明之世主非不明徒以蔽於耳目之近而皇恩不能下逮者昭昭可攷豈若我國家

列聖相承閭澤仁恩覃敷廣被今

皇太后

皇上又深仁厚澤浹髓為肌踐土食毛誰不感戴數十年來華洋交

涉開前代未有之局亦既洞悉其治國養民之法故專設總署設海軍設機器局以及各學堂又命皇使游歷外洋兼理交涉事務無不事事仿行新中華之耳

目開小民之衣食雖前代雄才大略之主亦未能如我朝之盛也顧事須比較

而後勝負分勢必互觀而後強弱見以我中華之地大物博山嶽蓄其菁華川陸

萃夫寶貨自然之利甲於五洲倘能盡法以致之又何假於外洋之物哉且外洋

人又往往惜之謂不能盡其物利者以不能盡仿其法也然其法自在朝廷

力求何如耳歐西諸國之君皆常躬歷各國不慮風濤險惡而藉以聯與國之歡

各國又皆盛飾禮儀郊勞燕享不啻春秋會盟珠槃玉敦之盛而即藉以考其製

造軍伍之法以取則焉如英德美奧諸國之皇時常來往見於日報者不一而足

而俄羅斯之興更專藉其先君彼得之游歷無法不仿無善不備日本亦然故其

國勢蒸蒸日上也日本自同治十二年始信其法今纔二十餘年耳已儼與西方

英俊子弟詣彼國讀書不數年盡得其奧國中一切製造皆以仿西式為本非甘舍數十年祖宗之舊而為此補苴以棄故喜新也特以既與交涉不如是不能與之並駕耳我朝苟不開海禁雖至今不用其法可也既與交涉而獨鄙其事而不為不幾自敝乎草野無知竊願朝廷亦遣親王游歷其境以代時巡目覩其政治取其善者而為之並遣英才子弟詣彼讀書久之必有駕西國而上之勢彼狡焉思啟者何敢哉芻蕘妄語竊願鑒日本之明效也

公法

公法者萬國之大和約也中國為五洲冠冕開闢最先唐虞三代相承為封建之天下秦併六國改為郡縣歷漢唐以迄今莫之或易其間可得而變易者宗子之封藩疆域之分合也其雖變而莫之或易者概不得專禮樂征伐之權也然均有相維相繫之勢而統屬於天子則一也統屬於天子一故內外之辨夷夏之防亦不得不一其名曰有天下實未盡天覆地載者全有之夫固天下之一國耳如此乃可與言公法公法者彼此自視其國為萬國之一可相維繫而不能相統屬者也可相維繫者

何合性法例法言之謂夫語言文字政教風流固難強同而是非好惡之公不甚相遠故有通使之法有通商之法有合盟合會之法俗有殊尚非法不聯不能相統屬者何專主性法言之謂夫各國之權利無論為君主為民主為民主共主皆其所自有他人不得侵奪良以性法中決無可以奪人與甘為人奪之理故有均勢之法有互相保護之法固無大小非法不立爾雅釋訓云法常也可常守也釋名曰法偏也偏之使有所限也列邦雄長各君其國各子其民不有常法以範圍之其何以大小相維永敦輯睦彼遵此例以待我亦望我守此例以待彼也且以天下之公好惡為衡而事之曲直登諸日報載之史鑑以褒貶為榮辱亦擁護公法之干城故曰公法者萬國之一大和約也今泰西各國兵日強技日巧爭雄海陸將環地球九萬里莫不有火輪舟車我中國海禁大開講信修睦使命往來已歷有年所又開同文館習西學譯公法博考而切究之如此詳且備矣然所立之約就通商一端而言何其矛盾之多也如一國有利各國均沾之語何例也烟台之約強減中國稅則英外部從而助之何所仿也華船至外國納鈔之重數倍於他國何據而區別也中國所徵各

國商貨關稅甚輕各國所徵中國貨稅皆務從重何出納之吝也 聞鴉片在孟加刺每箱徵銀六十磅中國稅銀十磅中國出口茶稅每箱僅徵銀百元之七五不足一成至英人入口所徵不下四五成即茶與鴉片較之其公道為何如○外國人至中國不收身稅中國人至外國則身稅重徵今英美二國復有逐客之令禁止我國工商到彼貿易工作舊商久住者亦必重收身稅何相待之苛也種種不合情理公於何有而公法家猶大書特書曰一千八百五十八年英法俄美四國與中國立約嗣後不得視中國在公法之外又如註而申明之曰謂得其享公法之利益嘻甚矣欺也然則如之何而可曰約之專為通商者本可隨時脩改以圖兩益非一成不變者也稅餉則例本由各國自定客雖强悍不得侵主權而擅斷之宜明告各國曰某約不便吾民某稅不合吾例約期滿時應即停止重議其不專為通商者則遣使會同各國使臣將中國律例合萬國公法兩兩比較同者彼此通行異者各行其是無庸越俎代謀其介在異同之間者則參稽互考折衷至當勒為通商條例會立盟約世世恪守有渝此盟各國同聲其罪視其悔禍之遲速援賠償兵費例罰鍰以分勞

各國若必怙惡不悛然後其滅其國存其祀疆理其地擇賢者以嗣統焉庶公法可以盛行而和局亦可持久矣雖然公法一書久其遵守乃仍有不可盡守者蓋國之強弱相等則藉公法相維持若太强太弱公法未必能行也太強者如古之羅馬近之拿破崙第一雖有成有敗而當其盛時力足以囊括宇宙震懾羣雄橫肆鯨吞顯違公法誰敢執其咎太弱者如今之琉球印度越南緬甸千年舊國一旦見滅於強鄰諸大國咸抱不平誰肯以局外代援公法致啟兵端不特是也法為德蹶俄人遽改黑海之盟法無如之何也土被俄殘柏林不改瓜分之約各國無如之何也然則公法固可恃而不可恃者也且公法所論本亦游移兩可其條例有云倘立約之一國明犯納內一欸其所行者與和約之義大相悖謬則約雖未廢已有可廢之勢然廢與不廢惟在受屈者主之倘不欲失和其約仍在兩國當照常遵守至所犯之事或置而不論或諒而概免或執義討索賠償均無不可由是觀之公法仍憑虛理強者可執其法以繩人弱者必不免隱忍受屈也是故有國者惟有發憤自強方可得公法之益倘積弱不振雖有公法何補哉噫

通使

昔漢武帝詔舉茂材異等可為將相及使絕域者誠以出使之選與將相並重折衝樽俎贊美皇華胥於是乎賴一不得人則辱君命損國威所關非細故也今中國與外國各國通商立約和誼日敦設無使臣聯絡聲氣則彼此之情終屬隔閡雖有和約何足恃雖有公法何足憑哉按泰西公例凡通商各國必有公使以總其綱有領事以分其任又慮威權之不振簡兵船往來游歷以資鎮撫而備緩急事或未協彼此悉心公議或請各國官紳裁斷以期必協而後已其慎重也如此邇來中國人民出洋貿易傭工者年多一年不可勝計洋人每肆欺凌無由伸理乃仿西例於各國設公使於華民寄居之埠設領事遇事往來照會按公法以審其是非援和約以判其曲直保吾民禦外侮維和局伸國權使臣之所繫不其重歟夫通使者中古邦交之道也春秋時賢士大夫必周知列邦政教之隆替民情之向背俗尚之好惡國勢之盛衰及探聽各國軍務消息人員某國現用何樣新式輪船鐵艦礮台鎗礮礮台形勢如何兵官才能如何或採訪不全必能得其大概雖糜費亦有所不惜所派

偵探之員概須武員知兵事者或隨同公使前去或另派游歷總之無處不有平日洞知各國強弱盛衰之故如有軍事則措施自中機宜矣○用能事大字小各協其宜今泰西數十國叩關互市聚族來居此誠中國非常之變局於此而猶不亟講外交之道遑公使之才烏乎可哉華民之出洋者就南洋之西班牙荷蘭英美各屬考之歲輸稅銀自一二元至百數十元不等暹羅本我舊國乃亦仿西法歲徵我民身稅否則拘作苦工雖有公使領事其如鞭長莫及何曩者法越多事彭剛直公檄委潛越南金邊暹羅新加坡等處偵探敵情返粵後上書當道畧謂法蘭西侵佔越南其國危亡已同朝露然越南亡而暹羅緬甸未即亡也現在緬王暴虐昆弟失和英萌廢立之心緬不自安轉倚法援為英所忌恐愈速其亡向聞暹緬二國素稱恭順附近各島如英法和西等國之屬土華民流寓其間者不下數百萬人亟宜簡派公使駐紮南洋所有南洋各國如越南緬甸暹羅小呂宋及英法各國屬土之華民悉歸統轄即選各埠殷商或已舉為甲必丹中外信服者為領事聯絡聲氣力求自強仍仿西人在華訓練民團以資保護令各埠商民捐資購置一二兵船公使乘之出

巡各埠庶信息靈通邦交益固聲威既壯藩屬不敢有外向之心以兵衛民即以民養兵一舉兩得無逾於此或疑各埠華人多借洋人以自重董事亦各樹黨援不肯受約束於華官持節南行動多掣肘可奈何此則兵力之不逮而權勢所由不行也非有水師兵艦出洋巡緝不能折外人陵侮之心非有老成練達精明強幹之才難以勝公使領事之任夫各國廣招華工美國獨限制華工前往外人之虐待應如何設法保全與國之苛條應如何峻詞拒駁是非使臣之責歟使臣簡在

帝心

朝廷用人自有權衡固非卮言所敢論至若每屈使臣持節奏調人員如參贊領事繙譯隨員等官尤當格外慎重蓋參贊為使臣之副凡交涉大事彼之請於我者或從或違我之求於彼者或可或否皆賴參贊為使臣商定而行使參贊毫無才猷則使臣可者亦可之使臣否者亦否之亦安用此參贊為故必熟識情形洞明利弊始能匡使臣之不逮而措置不至失宜繙譯隨員則又使臣之喉舌手足者也凡事之大者由使臣親裁小者必令其代理或辦署中案件或與洋人周旋至辯論公事惟繙譯是賴曲直所關輕重皆須得體苟喉舌手足運掉不靈必於全身有礙矣若夫

領事一官關係尤重華民百萬良莠不齊小而錢債紛爭大而命盜案件使臣之不暇兼顧者調停審斷皆於領事是資領事賢則商民既安邦交亦日睦不肖則矜情任性不但流寓華民失其庇護而且外人輕藐口舌滋多彼此往來必扞格難免不因此失和所謂參贊領事隨員繙譯尤當格外慎選者此也似宜明定章程毋得濫徇情面援引私親必須以公法條約英法語言文字及各國輿圖史記政教風俗考其才識之偏全以定去取就所取中明分甲乙以定參贊隨員領事之等差不足乃旁加辟舉有餘則儲候續調倘出洋多次辦事勤勞允符人望者即可由繙譯隨員薦升領事參贊備歷各國游升公使如有始勤終惰或沾染洋習措置乖方者上則由公使特參下則許同僚公揭咨明總署覆核得實奏請除名夫予以可進之階則羣才思奮課以難寬之罰則不肖懷刑庶外可為四國之羽儀內可塞終南之捷徑矣自使臣以下各官無論出洋久暫務將所辦各局以及地方風土人情國政商務工藝土產隨筆登記回國進呈擇要刊刻以示天下庶知彼知己決勝無形此三代詢事考言之成法也戊子會曾遣京曹分往各邦游慰不負所舉者亦間有人聞見

所資編為著述言中外情形者採焉惜良法美意未幾中止良可慨也抑更有進焉者凡吾國出使官員亦宜酌增公費使之足用昔總署所定出洋各員薪水數本不多復經屢次核減則各員必有以簡陋貽譏外國者惜小失大甚無謂也○一切車馬服飾皆不可過事寒儉以壯觀瞻尊國體所駐之國其官更有應接見者固宜交相拜訪詢悉情形其不應接見者斷不可率意往來俾知使臣之尊貴國制之嚴明如是則華洋之人見而敬服專對有才賢於十萬師遠矣至如膽識兼優聲望夙著當諄則諄當從則從當行則行當止則止迴積議如轉環化巨禍為細事使於四方不辱君命如漢之蘇子卿傳介子唐之顏真卿宋之富弼炳炳諸賢至今不朽英風亮節今豈無人有志之士所為奮然而興也

交涉

中外通商日久交涉之案層見迭出卒未有辦理公平能折彼族之心而伸吾民之氣者何也以不得辦理之法未用度外之才也夫洋務交涉之事甚繁約其大綱君民兩大端而已如殺傷鬥毆焚燬搶劫佔產拐販債務辛工以及碰船碰車案比畢